

KATA SENDI NAMA

Kata sendi nama ialah perkataan yang letaknya di hadapan kata nama atau frasa nama.

Kata Sendi Nama	Penggunaannya	Contoh Ayat
di	merujuk tempat	Kami bermain bola <i>di</i> padang.
ke	1. merujuk tempat atau arah dituju 2. merujuk masa atau waktu	1. Ayah berangkat <i>ke</i> Ipoh esok. 2. Acara itu berlangsung dari pukul 8.00 pagi <i>ke</i> pukul 8.45 pagi.
dari	1. merujuk arah dan tempat 2. merujuk masa atau waktu	1. Bunyi itu datang <i>dari</i> arah belakang rumah. 2. Berita itu telah tersebar <i>dari</i> semalam.
daripada	1. menyatakan punca 2. menyatakan sumber atau asal kejadian 3. menunjukkan perbezaan atau perbandingan	1. Remaja perlu menjauhkan diri <i>daripada</i> dadah. 2. Beg itu dibuat <i>daripada</i> kulit yang bermutu. 3. Suasana kampung lebih selesa <i>daripada</i> bandar bagi saya.
kepada	1. menunjukkan sasaran sesuatu 2. menyatakan pecahan 3. menyatakan perubahan	1. Berikan buku ini <i>kepada</i> Ganesh. 2. Kami dibahagikan <i>kepada</i> lima kumpulan. 3. Wajahnya yang ceria berubah <i>kepada</i> murung apabila mengenang peristiwa tersebut.
pada	1. menunjukkan keterangan waktu 2. selepas kata ada 3. Menunjukkan tempat	1. Kami akan bertolak <i>pada</i> pukul 5.00 petang. 2. Peralatan sukan itu ada <i>pada</i> Salina. 3. Nabil melukis mural <i>pada</i> dinding sekolah.
untuk/bagi	1. menunjukkan kegunaan bagi sesuatu 2. menunjukkan bahagian yang telah ditetapkan. (Dalam ayat ini, kata <i>untuk</i> tidak boleh ditukar dengan kata <i>bagi</i> .)	1. Derma <i>bagi/untuk</i> mangsa kebakaran sedang dikutip. 2. Makanan yang lazat ini <i>untuk</i> para tetamu yang hadir. (bukan: *Makanan yang lazat ini <i>bagi</i> para tetamu yang hadir)
demi	membawa makan tujuan	Para perajurit sanggup berkorban <i>demi</i> negara.
tentang	unsur yang membawa maksud rujukan sesuatu yang tidak tentu	Mereka berbual <i>tentang</i> masa hadapan setelah tamat persekolahan.
seperti, bagai, umpama, laksana	membawa maksud perbandingan	Dia bergerak dengan tangkasnya <i>seperti/bagai/umpama/laksana</i> harimau.
dengan	1. bermaksud bersama-sama 2. bermaksud cara melakukan sesuatu 3. bermaksud memakai atau menggunakan 4. bermaksud perbandingan yang serupa	1. Tanusha pergi ke taman permainan <i>dengan</i> adiknya. 2. Mereka menerima berita kemennagan itu <i>dengan</i> gembiranya. 3. Zaihara menggali tanah itu <i>dengan</i> cangkul. 4. Warna kain batik ibu sama dengan warna bajunya.
sejak/semenjak	penanda waktu	
selain	menyatakan maksud di samping atau bersama, dan hanya atau kecuali	Mereka juga tidak boleh pergi <i>selain</i> kami.
akan	di hadapan kata nama atau frasa nama yang merujuk manusia dan didahului kata adjektif	Farid telah sedar <i>akan</i> kesalahan yang dilakukannya.

Kata Sendi Nama	Penggunaannya	Contoh Ayat
oleh	1. menunjukkan hubungan pembuat dalam ayat pasif 2. membawa maksud sebab	1. Rumah tradisional ini dibina <i>oleh</i> datuk. 2. Kamil tidak turun ke padang <i>oleh</i> sebab hujan.
hingga/sampai	bermaksud perihal peringkat dan had masa	Mereka berlatih dengan bersungguh-sungguh <i>hingga/sampai</i> mahir.
dalam, antara	lingkungan yang tidak mempunyai ruang atau jarak	1. Kita mestilah bleh bertutur dengan fasih dalam bahasa kebangsaan. 2. Persahabatan <i>antara</i> mereka berkekakan sehingga sekarang.